



Si che duncje, o vin tornât a tira fûr chest banner di cualchi an fa. Cuissà cui che sal vise...  
Ma nuie pôre, us al visìn nô!

O vevin inmaneât un concors di contis curtissimis, che a vevin la carateristiche di no lâ "a  
cjâf", ven a stâi di no vê dentri un pont fer e jessi, par tant, componudis di une frase sole. Po  
dopo, si sa, a son tantis lis manieris di scrivi une conte cence cjâf e il risultât, lu podês viodi  
achi, dulà che **si puedin lei dutis lis contis cence cjâf** rivadis.

Ben po... al è cuntune vore di plasê che us disìn che la idee des contis cence cjâf e je stade  
nuiemancul che une ispirazion didatiche par il cors anuâl di furlan avanzât dai arlêfs  
argjentis. Aromai, vuai se no ju vessin! E insome... daspò di vêi fat lei lis contis cence cjâf  
ancje a lôr, ur è stât dât come compit chel di scrivilis e al pâr che la classe si sedi stiçâte e  
divertude une vore.

Insome... ce che al è e nol è, che **a àn ancje pensât di regalânus dutis lis lôr "contis  
cence cjâf"** e noaltris cuntune vore di gust lis publichìn in Ostarie, adiriture in trê pontadis,  
stant che a son une vore.

Ve chi la prime, alore, dulà che o cjatais une bieles schirie di contecurtârs e us visin subit che  
o vin corezût di pueste pôc par lassâ a lis contis la lôr spontaneitât e savôr... argjentin!

### **Ricuarts**

O sai che tu tu vegnis a mi par lassâmi cjapâ la tô man e lâ insiemi viers i tiei ricuarts di me.

**di Cristina Degli Uomini**

### **Consei**

“Fâti amî dal judiç... simpri al è bon vê un pâl dulà gratâsi.” e di alî indevant, in cheste tiere al è stât simpri compagn.

### **A taule**

Daspò di lassâju bruntulâ al diseve a siei fîs: “Masse passûts” e lôr si visavin che nissun mangjà si doveva dispreseâ.

### **Realtâts**

“Se tu âs businôr tes orelis al è cualchidun che ti pense, fiol”.

“Pensiti ancje che a puedin jessi entitâts dal altri mont che a vuelin fevelâti”, e zontave la vuaridore dal borc.

E il miedi mi vûl fâ crodi che al è nome un tampon di cere!

**di Zorz Cesaratto**

### **Gattopardo**

La viele regjine e je muarte e cumò la gnove e parone tal celet, ma lis âfs operariis, sotanis e lavoradoris, a van indenant a sfadiâ tant che prime. Par lôr nol è cambiât nuie.

**di Augusto Bornancin**

### **Semenâ**

La plovisine e nudrîs il mont come semencis di pâs daspò la vuere.

### **Amôr**

Un lamp al à iluminât la gnot in chel paîs scûr, e al discuvierç la malinconie di un amôr che si è pierdût.

### **Marilenghe**

Ricuarts e insiums di migrants a son nâfs che a puartin la marilenghe intai lôr cûrs.

**di Verónica Moscufo**

### **GPS**

La sô vite e jere dome un GPS di no ubidî mai... torne calcole... torne calcole...

### **Ironie 1**

Inoridide e discuvierç, biadelore, che il so destin al jere tes sôs propits mans.

### **Ironie 2**

La sô storie e jere la ironie puartade al parossisim.

### **Ironie 3**

La sovrane ironie de sô vite e jere chê, cuant e à scuvierzût il so puest in chest mont, e jere rivade la ore di lâ ta chel altri.

### **Ironie 4**

Di bot e sclop i siei dîs si jerin convertîts intune cjadene di bruts siums cence dismot.

### **Gnove cence cjâf**

Il pizighet di Percut al è muart di un colp intant che al faseve une mirie jenfri une bare.

### **Umans**

Infinît incussient arogance: fuarce primordiâl de zoventût.

**di Marcelo Del Mestre**